

Monsieur Fernand Etgen
President vun der Chamber
Lëtzebuerg, de 15. Juli 2020

Här President,

Sou wéi den Artikel 84 vum Chambersreglement et virgesäit, biede mir Iech, dës **drénglech parlamentaresch Fro** un den Här Educatiounsminister weiderzeleeden.

An der Äntwert op di parlamentaresch Fro N° 219 vum Deputéierte Sven Clement, ënnersträicht den Här Educatiounsminister:

« Pour ce qui est des agents du sous-groupe éducatif et psycho-social, il sera procédé à une analyse profonde des cadres légaux et réglementaires en matière des tâches de l'ensemble du personnel socio-éducatif œuvrant dans nos écoles. Suite à cette analyse, des pourparlers ayant pour objectif une clarification de ces tâches seront menés avec les syndicats concernés afin de pouvoir légiférer aussitôt que possible en la matière. En attendant, on applique pour ces agents les dispositions en vigueur avant la rentrée 2018 pour les services auxquels ils étaient affectés préalablement. »


Säit dem 3. Juli zirkuléiert an dem Kontext eng Nott vum MENJE mam Titel « *Envergure de la tâche du personnel éducatif et psycho-social intervenant auprès d'élèves à besoins spécifiques* ».

Laut den Dispositiounen an dëser Nott, wäerten d'Aarbechtskonditioune vum gesamte Personnel éducatif et psycho-social en charge vu Schüler mat spezifesche Besoine méi schlecht ausfalen (*40 bis 44 Stonnen pro Woch mam Schüler schaffen*) ewéi déi Konditiounen, déi laut dem Règlement grand-ducal vun 2009 iwwert d'Tâche vun den Educateurs an éducateurs gradués aus dem Enseignement fondamental gëllen.


An dësem Kontext, welle mir folgend Froen un den Här Minister stellen:

- Op wéi eng legal Basis huet sech de Minister referéiert fir des Tâchen ze fixéieren?
- Eisen Informatiounen no reechen d' Gewerkschaften nach eng detailléiert Propose era fir eng Stonnenopdeelung an dem virgestallte Kader. Kann de Minister eis dëst confirméieren?
- Gedenkt de Minister an dësem Kontext nach ze legiferéieren, esou wéi de Minister dat a senger Äntwert op eng Question parlementaire vum 18. März 2019 explizitt ugekënnegt hat an domadder eng legal Basis ze schafe fir d' Tâche vun de concernéierte Leit?

Mat déiwem Respekt,

A stylized, handwritten signature consisting of several overlapping, sweeping lines that form a shape reminiscent of the letter 'A'.

Martine Hansen

A handwritten signature featuring a prominent horizontal bar at the top, with a vertical stroke descending from its center and a curved stroke at the bottom.

Francoise Hetto

Deputeierten

Äntwert vum Minister fir Educatioun, Kanner a Jugend op d'parlamentaresch Fro Nr. 2544 vun den honorabele Deputéierte Martine Hansen a Françoise Hetto

Ad 1)

Dat vun den honorabelen Deputéierten erwähnten Dokument bezüglech der Tâche vum edukativen an psycho-sozialen Personal am Dingscht vun de Schüler mat spezifesche Besoinen verweist nach ee Mol op di gängeg Gesetzestexter a Reglementer déi allgemeng bei der Fonction publique unzewenne sinn:

- *Loi modifiée du 16 avril 1979 fixant le statut général des fonctionnaires de l'État*
- *Loi du 1^{er} août 2018 portant fixation des conditions et modalités d'un compte épargne-temps dans la Fonction publique*
- *Règlement grand-ducal modifié du 3 février 2012 fixant le régime des congés des fonctionnaires et employés de l'État*

Ad 2)

Et steet deene verschiddene Gewerkschafte selbstverständlech fräi eis hier Observatiounen zoukommen ze loossen.

Ad 3)

Duerch d'Akraafttrieden vum Gesetz vum 1. August 2018 an d'Afféieren vum Compte épargne-temps an der Fonction publique ass et haut de Verwaltungen an dem Agent méiglech hier jeeweileg Besoinen besser openeen ofzestëmmen. D'Gesetz hat zum Zil d'Erausfuederungen vun der Personalgestioun op Säite vun der Verwaltung mat den Uspréich vum Privatliewen vum Agent an Aklang ze bréngen. Duerch déi gewonne Méiglechkeeten a Flexibilitéit op béide Säiten ass et zur Zäit deemno net néideg am hei viséierte Kontext ze légiférieren.